

HALMASHAURI YA MANISPAA YA UBUNGO

BARUA ZOTE ZITUMWE KWA MKURUGENZI WA MANISPAA

Simu Na: 022296341
www.ubungomc.go.tz
Email:md@ubungomc.go.tz
Fax no: 022-926342



MKURUGENZI
MANISPAA YA UBUNGO
S.L.P. 55068
DAR ES SALAAM
27-2- 2018

TAARIFA KWA UMMA NA VYOMBO VYA HABARI

Baraza la Madiwani katika Halmashauri ya Manispaa ya Ubungo limepitisha makadirio ya mapato na matumizi ya kawaida na mpango wa maendeleo kwa mwaka **2018/2019**. Katika mwaka wa fedha **2018/2019** Halmashauri ya Manispaa ya Ubungo inatarajia kukusanya/kupokea fedha kiasi cha **Tsh.98,238,193,600.00**. Kati ya fedha hizo **Tsh. 71,796,915,600.00/=** ni Ruzuku kutoka Serikali Kuu, **Tsh 25,691,278,000.00** ni fedha za makusanyo ya ndani ya Halmashauri na **Tsh. 750,000,000.00** ni fedha za michango ya nguvu za wananchi.

Kiasi cha **Tsh. 71,796,915,600.00** za ruzuku kutoka Serikali Kuu kinajumuisha kiasi cha **Tsh.61,923,432,600.00** ikiwa ni mishahara, kiasi cha **Tsh.1,593,213,500.00** kwa ajili ya matumizi ya kawaida, **Tsh. 8,280,269,500.00** fedha kwa ajili ya miradi ya maendeleo toka Serikali Kuu.

Mpango huo umeandaliwa kwa kuzingatia sera na miongozo ya Kitaifa, sheria ya bajeti Na 11 ya mwaka 2015, Dira ya Taifa ya Maendeleo 2025, Hotuba ya Rais wa Jamuhuri ya Muungano wa Tanzania wakati akizindua Bunge la 11 la Jamuhuri ya Muungano wa Tanzania tarehe 20 Novemba, 2015 Malengo ya maendeleo endelevu, Ilani ya uchaguzi ya CCM ya mwaka 2015-2020, Mpango Mkakati wa Serikali wa miaka mitano, Mpango wa tekeleza kwa matokeo makubwa sasa (BRN), Sera ya Taifa ya UKIMWI, Sera za kisekta, Mipango Shirikishi Jamii ya Fursa na Vikwazo kwa Maendeleo (O&OD) ya Kata na Mitaa. Aidha sheria ya fedha ya Serikali za Mitaa sura ya 290 iliyofanyiwa marekebisho mwaka 2010 imezingatiwa.

Maeneo yaliyopewa kipaumbele katika mpango huu ni kuboresha na kuimarisha ukusanyaji wa mapato ya Manispaa, ujenzi wa ofisi za Halmashauri ya Manispaa ya Ubungo, kuboresha miundombinu ya Afya, shule za msingi na sekondari, kuboresha hifadhi ya mazingira na ukusanyaji wa taka na kuimarisha ushirikishwaji wa jamii katika upangaji na utekelezaji wa miradi ya maendeleo.

Tathmini inaonyesha kuwa katika kutekeleza bajeti ya mwaka 2016/2017 na 2017/2018 Halmashauri imetoa huduma kwa wananchi wake kwa ufanisi mkubwa pamoja na uchanga wa Halmashauri katika maeneo ya Elimu ya Msingi na Sekondari, Utoaji wa huduma za Afya, Uimarishaji wa miundombinu ya barabara, Uwajibikaji na Utawala Bora. Aidha Halmashauri imeimarisha upatikanaji wa nyenzo za kufanyia kazi kwa watumishi wake hali iliyoimarisha usimamizi wa kazi katika maeneo ya Miradi na utoaji wa huduma.

katika bajeti ya mwaka 2016/2017 ilikadiria kukusanya/kupokea fedha kiasi cha Sh. **111.8 billioni** kutoka serikali kuu na mapato ya ndani ya Halmashauri. Hadi Juni 2017 fedha zilizopokelewa ni Tsh.9 Billioni na zilizotumika ni Tsh.6.9 Billioni sawa na asimia 77. Halmashauri ililenga kukusanya mapato ya ndani kiasi cha **Tshs.26 billioni** na kufanikiwa kukusanya **Tsh. 6.6 billioni**. Makusanyo ya ndani yako chini kwa kuwa Halmashauri ilianza rasmi mwezi Oktoba na kuanza kukusanya mapato mwezi Novemba na chanzo cha kodi ya majengo kukusanywa moja kwa moja na TRA.

Aidha fedha za mapato ya nje (ruzuku) zilizokadiriwa kupokelewa ni **Tsh.85 billioni** na kiasi kilichopokelewa ni **Tsh. 5.8 billioni** ambazo ni fedha za miradi ya maendeleo na matumizi ya kawaida. Fedha za mishahara zilipokelewa Halmashauri mama (Kinondoni).

Katika bajeti ya mwaka wa fedha **2017/2018** Halmashauri ya Manispaa ya Ubungo inatarajia kukusanya/kupokea fedha kiasi cha **Tsh. 97.5 billioni** Kati ya fedha hizo **Tsh. 11.3 billioni** ni Ruzuku ya miradi ya maendeleo kutoka Serikali Kuu, **Tsh. 62.8 billioni** ni Ruzuku ya matumizi ya kawaida na mishahara kutoka Serikali Kuu, **Tsh. 22.5 billioni** ni fedha za makusanyo ya ndani ya Halmashauri na **Tsh. 750 millioni** ni za michango ya nguvu za wananchi. Hadi Desemba, 2017 jumla ya Tsh.**20.6** zimepokelewa sawa na asilimia 21 ya makisio ya bajeti na kiasi cha Tsh **4.8 billioni** zimetumika kwa ajili ya matumizi ya kawaida na miradi ya maendeleo.

Bajeti ya mwaka **2017/2018** Halmashauri ililenga kukusanya mapato ya ndani kiasi cha **Tshs. 22.5 billioni**, Hadi Desemba 2018 **Tshs. 7.1billioni** kimekusanywa sawa na **asilimia 32** ya lengo.

IMETOLEWA NA :

KITENGO CHA HABARI NA UHUSIANO

HALMASHAURI YA MANISPAA YA UBUNGO.

